



The Commonwealth of Massachusetts

DEPARTMENT OF PUBLIC UTILITIES DIPARTAMENTU DI SERVISU PUBLIKU (D.P.U.)

D.P.U. 24-15

4 di Janéru di 2024

Avizu di inkéritu fêtu atraves di inisiativa di própi Dipartamentu di Sirvisus Públiku sôbri Kustu di Inêrjia, ku Fóku na Asésu a inêrjia di Kontribuintis Rizidênsial.

VOTASON Y ORDEN PA ABERTURA DI INKÉRITU

I. INTRUDUSON

Dipartamentu di Sirvisu Públiku (“Dipartamentu”) abri un invistigason pa avalia kustu di inêrjia, ku fóku na asésu a inêrjia ki kontribuintis rizidênsial ten. Dipartamentu ditermina ki es prusésu li ta ben djuda-l a lêba en kóna midjôrias pa prugramas ki nê-s mumentu sta lida ku asésu a inêrjia, a garanti másimu partisipason di kada un di kê-s prugramas, y disidi si ôtus prugramas inda pôdi ben benefisia kontribuintis rizidênsial di enprézas di distribuison di iletrisidadi ku gas di Kumunidadi (“EDCs” y “LDCs,” respetivamênti).¹ Dipartamentu ta ben pidi kontribuison di tudu partis interesadu, inkluindu ménbrus di populason, difensóris y organizason di Dipartamentu ki ta kontrôla kê-s asuntos li. Dipartamentu rejista kê-l asuntu li kômu D.P.U. 24-15.

II. ENKUADRAMENTU

Na 2021, Lijislativu aprova, y antigu Guvernador Baker prumulga lei ki txóma Kria Rotêru di Prósimu Jerason pa Pulítika Klimátiku Massachusetts (“Lei di Klima 2021”), ki muda risponsabilidadi di Dipartamentu na auméntu di asésu, igualdadi y reduson di gazis ku ifeitu di stufa na lista di prioridadis, inkluindu siguransa, proteson y kunfiansa di sirvisu. St. 2021, c. 8, § 15; G.L. c. 25, § 1A. Lei di Klima 2021 tanbé ta orênta Skritóriu Izekutivu di Inêrjia y Asuntos Anbêntal a kria un Planu di Inêrjia Linpu y Klima pa 2025 y 2030, ki foi lansadu na dia

¹ EDC’s é Enpréza di Iletrisidadi di Massachusetts y Enpréza di Iletrisidadi di Nantucket, kada un rejistadu na Redi Nasional; Enpréza di Iletrisidadi NSTAR rejistadu na Eversource; y Enpréza di Luz Ilétriku y Gas Fitchburg rejistadu na Unitil. LDCs é un Enpréza di Gas di Boston rejistadu na Redi Nasional; Enpréza di Gas NSTAR y Enpréza di Gas Eversource di Massachusetts, kada un rejistadu Inêrjia Eversource; Liberty Utilities (Enpréza di Gas di New England) Grupu rejistadu na Liberty; Enpréza di Gas Berkshire; y Enpréza di Luz Ilétriku y Gas Fitchburg rejistadu na Unitil

30 di Junhu di 2022. G.L. c. 21N, § 4(a). Planu di Inêrjia Linpu y Klima pa 2025 a 2030 nôta ma pa minimiza kualker pusivel auménta di kustu rilasionadu ku mudansa pa inêrjia linpu ta ben ser sploradu atraves di prugrama di proteson di moradôris.² Pulítikas ki ta ben tomadu na futuru rilasionadu ku inêrjia linpu, edifisius diskarbonizadu y transpórtis iletrifikadus ten ki ser ekunómiku y asesivel pa kê-s moradôris ki ten rendiméntu baxu.³ Ta ben splikadu di manêra más ditaliadu na Planu di Inêrjia Linpu y Klima, isfôrsu di diskarbonizason di sistéma di akesimêntu di edifisius y di tranzison pa sistéma di akesimêntu baziadu na konbustivel fósil, débi protéji tudu kontribuintis di kustus signifikativu y sértus auméntu, spesialmênti kê-s más karensiadu.⁴

Na Enpréza Ilétriku NSTAR, D.P.U. 22-22, na 469, 472 (2022), Dipartamentu môstra algun preukupason rilasionadu ku asésu jeral a faturas di inêrjia y rikönhési ki faturas di inêrjia ten stadu ta frónta orsaméntu di un munti familias. Dipartamentu diklara si interési na diskuti y dizenvôlvi pulítikas pa trata di asisténsia a familias di baxu rendiméntu y kontinua ta analiza kê-s problemas li, di forma apropiadu na futurus studus. D.P.U. 22-22, na 469-470. Para alen di kê-l la, Dipartamentu diklara ki EDCs débi analiza stratifikason di taxas di diskóntu pa familias ku rendiméntus baxu pa pôdi promóvi un diskóntu igual pa klêntis, y djuda kê-s klêntis más karensiadu y diminui inpákitu di présu pa kê-s klêntis ki muda di rendiméntus baxu pa rendiméntus moderadu. D.P.U. 22-22, at 472. Dipartamentu tanbé ta rikönhési nisisidadi di ten un intendimentu más prufundu sôbri inpákitu ki kustu di inêrjia sta ta ten na tudu familias y di un intendimentu más prufundu inda sôbri kustu di inerjétiku. D.P.U. 22-22, na 472.

² Planu di Inêrjia Linpu y Klima pa 2025 ti 2030, di 19 (30 di Junhu di 2022), sta disponivel na <https://www.mass.gov/doc/clean-energy-and-climate-plan-for-2025-and-2030/download>.

³ *Id.* at 14.

⁴ *Id.* at 61

Na ri-autorizason federal di 1994 sôbri Prugrama di Asisténsia Inerjétiku a Kazas di Baxu Rendiméntu (“LIHEAP”), Kongrésu difini kustus inerjétiku kômu pursentajen di rendiméntu ki un familia ta gasta na faturas di inêrjia (ô séja, kustu di inêrjia duméstiku divididu pa rendiméntu di un familia). 42 U.S.C. § 8622(2); Alterason di Sirvisus Umanitarius di 1994, 108 Stat. 623, Lei Públiku 103-252 (sinadu dia 8 di Maiu di 1994). Na Massachusetts, kustu médiu di inêrjia di tudu familia é sêrka di três pursêntu, mas kustu média di inêrjia pa populason ku baxu rendiméntu é di sêrka di dés pursêntu, y na alguns zónas, kustu di inêrjia ta txiga a 31 pursentu.⁵ Para alen di kêla, familias di baxu rendiméntu na Massachusetts ta gasta pélu ménus 3,5 bés más inêrjia di ki familias ki ka ten rendiméntu baxu.⁶ Peskizadóris ta identifika un familia ma ten un kustu inerjétiku altu óra es ten un kustu inerjétiku di sês pursêntu ô más.⁷

Na D.P.U. 22-22, na 472, Dipartamentu sujêri ki EDCs fazi un análsi ditaliadu di indisi di kustu di sirvisus públiku na faturas rizidênsial di iletrisidadi na si Diklarason Anual a Dipartamentu, komesandu ku Diklarason Anual di 2022 intregadu na Primavêra di 2023. Di forma más spesífiku, nu orênta kada EDC a kria un prusésu kunfiavel pa pôdi kalkula kustu di inêrjia di klêntis ku intenson di uza es informason pa dizenvôlvi stratéjia más avansadu y signifikativu pa midjôra envolvimentu y ajuda pa klêntis. D.P.U. 22-22, na 472.

⁵ Kimberly Clark, Konséliu di Planiamentu di Aria Metroplitana, Reduson di Kustu Inerjétiku: Kustu Inerjétiku: Rikursus pa Populason ku Baxu Rendiméntu (28 di Janéru di 2022, 4:03 di tardi), <https://www.mapc.org/planning101/reducing-energy-burden-resources-for-low-income-residents>.

⁶ Dipartamentu di Inêrjia di Mêrka, Gabinêti di Prugramas di Inêrjia di Stadu y na Kumunidadi, Feraménta di dadus sôbri asesibilidadi Inerjétiku di Baxu Rendiméntu, <https://www.energy.gov/scep/slsc/lead-tool> (últimu vizita na dia 1 di Dizénbru di 2023).

⁷ Konséliu Amerikanu pa Ekonomia Inerjétikamenti Efisénti Intêndi Asesibilidadi Inerjétiku, <https://www.aceee.org/sites/default/files/energy-affordability.pdf> (últimu vizita na dia 1 di Dizénbru di 2023)

Kômu rispôsta, kada enpréza ta da un análisi ditaliadu di indisi di kustus ekunómiku di familias, avaliandu faturas di kontribuintis rizidênsial di iletrisidadi sima pursentajen di rendiméntu di familias pa Konséliu y da rizultadus rizumidu pa unidadi jiográfiku.⁸ Dipartamentu inda ka manda es instruson pa ninhun di kê-s LDCs.

Dia 6 di Dizénbru di 2023, Dipartamentu manda un Dispaxu sôbri Prinsipius y Enkuadraméntu Regulamentar rilasionadu ku papel di enpréza di distribuison lokal di gas na midida ki Kumunidade atinji sê-s objetivus klimátiku pa 2050. Es dispaxu ta môstra prusésu siparadu di análisi di soluson inovador pa rizolvi problema di kustu inerjétiku y da asesibilidadi a présus.

Invistigason fêtu pa Dipartamentu di Sirvisus Públiku, pa si própi Inisiativa, sôbri Papel di Enprézas di Distribuison Lokal di Gas na Kriason di Objetivus Klimátikus pa 2050, na Kumunidade, D.P.U. 20-80-B di 16 (6 di Dizénbru di 2023). Es prusésu ta piriti ki Dipartamentu aborda problemas di asesibilidadi ekunómiku di un forma efikas y inda piriti-nu alkansa dizenvolvimêtu nisisariu pa txiga limiti di reduson di emison di gas ku ifeitu di stufa na Kumunidade atraves di nos trabadju na prusésu.

Dipartamentu ta rikönhési inportansia di garanti ki kontribuintis di Kumunidade konsigi satisfazi sê-s nisisidadis duméstiku bázikus, ku alimentason, moradia y ramédís, más tanbé paga faturas di sirvisu públiku. Di manêra istóriu, Dipartamentu ten stadu ta kria prugamas di asisténsia pa kontribuintis rizidênsial ki ka konsigi paga se-s kônta di sirvisus. Es li ta inklui taxas di diskóntu pa familias di baxu rendiméntu, Prugrama di Jeston di Atrazu (“AMPs”) pa djuda klêntis ku baxu rendiméntu y protégé-s kóntra kórtis di lus. Kada un dê-s sta ku

⁸ EDCs aprizenta es Rilatóriu di kustu inerjétiku sima dadus suplementaris na si diklarason anual di 2022. Djóbi, di forma jeral Dipartamentu di Sirvisus Públiku, Djóbi un diklarason anual di enpréza di iletrisidadi, rilatóriu di karga di inêrjia, <https://www.mass.gov/info-details/find-an-electric-company-annual-return> (últimu vizita na dia 1 di Dizénbru di 2023)

diskrison di baxu.⁹

III. MÉTUDUS ATUAL PA TRATA DI ASESIBILIDADI DI PRÉSUS DI INÊRJIA

A. Taxa di diskóntu pa klêntis di baxu rendiméntu

Na têrmus di Lei Governamental (G.L.) c. 164, § 1F, Dipartamentu ta iziji ki enprézas di distribuison oferési diskóntus pursentual na tarêfas pa klêntis elijivel ku baxu rendiméntus, konparavel ku taxa di diskóntu pa baxu rendiméntu resebidu na fatura total pa kustus jeral di tarifas en vigor antis di dia 1 di Marsu di 1998. Enpréza di Iletrisidadi di Massachusetts y Enpréza di Iletrisidadi Nantucket, D.P.U. 15-155, na 463 (2016); djôbi Spanson di Proteson y Asisténsia a Klêntis di baxu renda, D.P.U. 08-4, na 36 (2008). Na D.P.U. 15-155, at 469, na têrmus di G.L. c. 164, § 41, Dipartamentu ditermina ma débia ser fêtu ajustaméntu totalmenti konpensatóriu na diskóntu pa baxu rendiméntu na kazus en ki skala di produson lokal tinha un inpákitu na fasilidadi di asésu a bon présus pa klêntis di baxu rendiméntu. Dipartamentu diskubri ma produson lokal auménta pamôdi auméntu di kustu rilasionadu ku insetivus y ki kustu aumentadu ku insetivus staba na faturas di klêntis, inkluintu faturas di klêntis di ku baxu rendiméntu. D.P.U. 15-155, na 469-470. Dipartamentu ditermina ma diskóntu ajustadu a baxu rendiméntu ta ben fika en vigor ti prósimu kazu di taxa di distribuison báziku di kada enpréza, ki é mumentu ki Dipartamentu ta ben ditermina si ta justifika ten un nôvu ajustaméntu.

⁹ Dipartamentu tanbé analiza y aprova Planus di três anu sôbri Efisénsia Inerjétiku di Adiministradôris di Prugramas di Iletrisidadi y Gas, inkluintu orsaméntus. Planus di Três Anu di Efisénsia Inerjétiku di 2022-2024, D.P.U. 21-120 ti D.P.U. 21-129 (2022). Kontribuintis ten asésu a prugramas di efisénsia inerjétiku ki, di manêra istóriku, rizulta na popansa di faturas pamôdi reduson di konsumu di inêrjia di parti di klêntis ki partisipa. Para alen di kêla, Adiministradôris di Prugrama é obrigadu a didika un sértu pursentajen di sê-s orsaméntu a ofêrtas di efisénsia inerjétiku pa klêntis ku baxu rendiméntu (ô séja: pélu ménus dés pursêntu ô 20 pursêntu, respetivamênti, pa Adiministradôris di Prugrama di iletridadi y gas). G.L. c 25, § 19(c).

D.P.U 15-155, di 471. Dipartamentu ta speraba ki, na sê-s prósimu prusêsu rilasionadu ku taxa di bazi, tudu EDCs, aprizentaba prupóostas analizadu di dizénhu di taxas pa klêntis di baxu rendiméntu ki sta dêntu di padron difinidu pa G.L. c. 164, § 141. D.P.U. 15-155, na 471. Désdi di la, tudu EDC's kunpri orentason.

Nê-s mumentu, tudu LDCs di Massachusetts LDCs sta oferési 25 pursêntu di diskóntu pa klêntis elijivel ku baxu rendiméntu. Ôdja, pur izénplu, Enpréza di Gas di Boston Gas, M.D.P.U. Númeru. 64.2, na 2; Enpréza di Gas di Massachusetts Eversource ("EGMA"), M.D.P.U. Númeru 7D na 2. EDCs di Massachusetts sta oferési un diskóntu entri 32 pursêntu (Enpréza Ilétriku di Massachusetts, M.D.P.U. Númeru 1487, na 2) a 42 pursêntu (Enpréza Ilétriku NSTAR, M.D.P.U. Númeru 10E na 2).¹⁰ Eljibilidadi pa taxa di diskóntu pa familias di baxu rendiméntu é disididu atraves di resibu di kualker benefisiu públiku ki ta da dinhêru, moradia, alimentason ô kuidadus Médiku,¹¹ ô atraves di verifikason di eljibilidadi pa LIHEAP ô si prugrama susesor, ô ôtus kritérius difinidu pa Dipartamentu. G.L. c. 164, § 1F(4). Di akordu ku G.L. c. 164, § 1F(4), taxa di eljibilidadi di diskóntu di baxu rendiméntu é limitadu óra ki rendiméntu familiar ta pasa 200 pursêntu di pobreza a nivel

¹⁰ New Hampshire ta oferési klêntis di iletridadadi ku baxu rendiméntu un taxa di diskóntu ki ta varia entri 5% y 86 %, ku bazi na rendiméntu y na tamanhu di familia, pa primêru 750 kWh na kónta mensal di iletridadadi. Dipartamentu di Iletridadadi NH, Broxura di Prugrama di Asisténsia a Iletridadadi, ki entra en vigor apartir di Juliu di 2023 <https://www.energy.nh.gov/sites/g/files/ehbemt551/files/inline- documents/sonh/electric-assistance-program-brochure.pdf> (vizitadu pa último bés dia 1 di Dizénbru di 2023).

¹¹ Kê-s prugramas li ta inklui u siginti: LIHEAP; Planu di Kuidadus di Kumunidadi, Ajuda di Imirjénsia pa bédjus y kriansas; Prugrama di Asisténsia pa Konbustivel/inêrjia; Sénhas pa Kumida; Planu di Redi di Siguransa Sanitariu; Inisiu di Vida Skolar; MassHealth; Abitason Públiku; Rendiméntu Suplimentar di Siguransa; Ajuda Tranzitóriu a Familias ku Kriansas Dipendéntis; Prestason di Sirvisus a Viteranus;; Kompensason di Dipendénsia y Indinizason pa Pai Ispôza Sobrivivénti di Viteranu; Penson di Invalids di Viteranus Sen Sirvisus, Mudjéris, Bébé y Kriansas.

federal (“FPL”).¹² Alguns enprézas istabilési limiti di elijibilidadi óra ki rendiméntu brutu di agregadu familiar pasa 60% di rendiméntu médiu speradu (“SMI”) na stadu di estimated state median income (“SMI”), ki ta rizulta na un limiti más altu.¹³ Djóbi, pur izénplu, EGMA, M.D.P.U. Númeru. 7D at 1; Enpréza di Gas NSTAR, M.D.P.U. Númeru. 423N at 2;

Enpréza di Lus Ilétriku y Gas Fitchburg, M.D.P.U. Númeru. 385, na 1 (Ilétriku), y M.D.P.U. Númeru 253, na 1 (gas).

Na D.P.U. 22-22, na 472, sima foi mensionadu di riba, Dipartamentu da EDCs instruson pa splóra stratifikason di taxas di diskóntu pa rendiméntus baxu. Na pididu di 16 di Nuvénbru di 2023 pa aprovason di un auméntu jeral di tarifas di distribuison di bazi, Enpréza di Iletrisidadi di Massachusetts y Enpréza di Iletrisidadi di Nantucket (“Redi Nasional”) sujêri kê-s sigintis tabélas di diskóntu pa baxu rendiméntu , na sinku nivel , ki ta oferési diskóntu más txeu pa klêntis ku nivel di rendiméntu más baxu:

- 55 pursêntu di diskóntu pa kazas ku rendiméntu entri 0 y 75 pursêntu di FPL;
- 49 pursêntu di diskóntu pa kazas ku rendiméntu entri 75 y 100 pursêntu di FPL;
- 44 pursêntu di diskóntu pa kazas ku rendiméntu entri 100 y 150 pursêntu di FPL;
- 36 pursêntu di diskóntu pa kazas ku rendiméntu entri 150 y 200 pursêntu di FPL; y
- 32 pursêntu di diskóntu pa kazas ku rendiméntu entri 200 pursêntu di FPL; y 60 pursêntu di SMI.

¹² Na 2023, FPL di un familia di kuantu algen é di 30,000 dóla. Dipartamentu di Saudi y Sirvisus Umanus di Mêrka, Glosariu HealthCare.gov. Pobréza a Nivel Federal (FPL), <https://www.healthcare.gov/glossary/federal-poverty-level-fpl/> (Vizitadu pa último bés na dia 1 di Dizénbru di 2023)

¹³ Sasênta pursêntu di SMI pa familias ku kuantu algen é di 87,294 dóla, enkuantu ki 200 pursêntu di FPL pa mêsmu familia é di 60,000 dóla. Gabinêti Izekutivu di Abitason y Kumunidadis Abitavel di Massachusetts (antigu Dipartamentu di Abitason y Dizenvolvimêntu Kumunitariu), Nivel di Eljibilidadi di Rendiméntu y Prestason LIHEAP di Anu Fiskal 2024 (8, di Nuvénbru di 2023), <https://www.mass.gov/doc/fy-2024-liheap-income-eligibility-and-benefit-chart-november-8-2023/download>.

Enpréza di Iletrisidadi di Massachusetts y Enpréza di Iletrisidadi di Nantucket, D.P.U. 23-150,

Ku tistimunha pré-arkivadu di Howard/Davis/Barde/Mancinelli, NG-CP-1, na 26-28. Na si pididu di 17 di Agôstu di 2023, pa aprovason di un auméntu jeral di présu bazi di distribuison, Enpréza di Lus Ilétriku y Gas Fitchburg (“Unitil”) sujêri aumenta si taxa atual di diskóntu di baxu rendiméntu pa klêntis di iletrisidadi di 34,5 pursêntu pa 40 pursêntu, afirmandu ki un mudansa na strutura di diskóntu débi der lebadu en kónta y Aplikadu a nivel di stadu. Enpréza di Luz Ilétriku y Gas Fitchburg, D.P.U. 23-80, Ku tistimunha pré-arkivadu Robert B. Hevert, Unitil-RBH-1, na 40. Es prupóostas di Redi Nasional y Unitil sta ta ser analizadu na prusésu D.P.U. 23-150 y

D.P.U. 23-80, rispetivamênti, y kualker kumentariu sôbri es prupóostas débi ser aprizentadu na rispetivu prusésu.

B. AMPs

Enprézas di distribuison di Massachusetts ta oferési AMPs ki ta djuda purdua pagamentus en atrazu di klêntis ki ta inkuadra na sértus kritérius. Si Pagamentu for fêtu na témpu, ta ben dadu kréditu pa paga un parti di kê-s pagamentu ki sta en atrazu. Ditalis rilasionadu ku AMP atual di kada enpréza sta listadu di baxu:

- Enpréza di Gas Berkshire, D.P.U. 23-AMP-Berkshire: Klêntis elijivel débi teni kónta pendénti en atrazu (60 dia) di 300 dóla pa kontribuintis rizidênsial ki ten akesimêntu y 100 dóla pa kontribuintis rizidênsial sen akesimêntu. Kontribuintis rizidênsial di baxu rendiméntu ki ten akesimêntu, y ki sta kualifikadu pôdi resébi 100% di si saldus en atrazu. Klêntis ku baxu rendiméntu (Atualmenti difinidu kômu klêntis sirvisus di akordu ku kódigu R-2 y R-4 ô identifikadu kômu klêntis “protejidus”) é automatikamenti inskritu na AMP.
- Liberty Utilities (Enpréza di Gas Natural di New England) Korp. D.P.U. 23-AMP-Liberty: Klêntis elijivel débi teni kónta pendénti en atrazu (60 dia) di 300 dóla. Klêntis kualifikadu ten ki ser klêntis ku rejistu, ki ser elijivel a taxa diskóntu, ki nunka ka fazêdu kórtis pamôdi falta di pagamentu, ka pôdi ser kónta di dónu di kaza y ten ki konkôrda a paga taxa di diskóntu. AMP ta oferési 100% di perdon di pagamentus en atrazu pa klêntis elijivel pa taxa di diskóntu. Tudu klêntis kualifikadu sta automatikamenti inskritu na AMP.

- Redi Nasional, D.P.U. 23-AMP-05 Redi Nasional: Klêntis elijivel débi teni faturas pendéntis di pélu menus 300 dóla en atraza pa pélu menus 60 dia. Rikeréntis ten ki ser klêntis ki ten rejistu, ten ki sta kualifikadu pa kualker benefisiu públiku sujeitu a próva di mêiu ô ser elijivel pa LIHEP, y ten ki ten un kóna rizidênsial ativadu, ku mididor individual di gas ô iletridadadi pa kaza ku akesimêntu y sen akesimêntu. Partisipantis ta sta elijivel a perdon di 100 pursêntu di sê-s saldu di pré-planu en atrazu, ti másimu anual di 12,000 dóla.
- Unitil, D.P.U. 23-AMP-Unitil: Klêntis elijivel débi teni un atrazu di pélu ménus of 300 dóla ki sta ku 60 dia ô más di atrazu. Klêntis elijivel tanbé ten ki ser kontribuintis rizidênsial ativu rejistadu, ten ki môra na lokal y ten ki ten un rendimêntu anual brutu djuntadu di familia dêntu di 30 pursêntu di orentason di rendimêntu médiu di stadu y sta sertifikadu pa taxa di diskóntu. Perdon másimu anual di pagamentus en atrazu é di 4.800 dóla pa sirvisus di iletridadadi ô sirvisu di gas; tantu pa sirvisu di iletridadadi kômu pa sirvisu di gas, perdon másimu anual pa pagamentu en atrazu é di 9.600 dóla. Pa klêntis ki teni pagamentu en atrazu ki ta pasa perdon anual pirmiiti, AMP ta kontinua ta aji tudu anu ti ki kóna di klênti fika pagadu tudu.
- Enpréza di Gas NSTAR y Enpréza di Iletridadadi NSTAR, D.P.U. 23-AMP-NSTAR: Klêntis elijivel débi teni un atrazu di pélu ménus of 300 dóla ki sta ku 60 dia ô más di atrazu. Partisipantis ten ki ten un kóna rizidênsial di gas ô iletridadadi ativadu, na si nómi, ka na di dónu di kaza, ten un rendimêntu verifikadu dêntu di 60 pursêntu di orentason di rendimêntu médiu di stadu y partisipa na taxa di asistênsia rizidênsial. Valor anual purduadu ka pôdi pasa 12.000 dóla (Ta aplika a klêntis elijivel di Lésti di Massachusetts y di Oésti di Massachusetts).
- Enpréza di Gas Eversource di Massachusetts, D.P.U. 23-AMP-EGMA: Klêntis elijivel débi teni un saldu di, pélu menus, 300 dóla ku mínimu di 60 dia di atrazu; saldu total en dívida na mumentu di inskrison pôdi ser purduadu, ti másimu di 3600 dóla pa anu pur klêntis. Si saldu total di dívida na mumentu di inskrison for más ki 3,600 dóla, pôdi ser nisisariu fazi un akordu di alguns anus pa likida saldu na totalidadi.

C. Proteson kóntra Kórtis di Fornesimentu

Di akordu ku regulamentus di Dipartamentu sôbri faturason y suspênsion di sirvisu, 220 CMR 25.00, un enpréza ka pôdi suspêndi sirvisu di kaza di un klênti pa ninhun motivu, a non ser pa falta di pagamentu di kóna, a menus ki Dipartamentu sertifika si aprovason dipos di obi tudu dós ladu. 220 CMR 25.02(1), (3). Para alen di kê-l la, ten instruson klaru ki enprézas ten ki sigi

antis di suspéndi sirvisu, sima fazi un sugundu pididu di pagamentu y manda un avizu di suspênsion spesífiku pa klêntis. 220 CMR 25.02(3).

Un enpréza ka pôdi kórta sirvisu (ô rikuza torna liga sirvisu) óra ki klênti teni sertifikadu ki ta môstra ma é teni problema finanséru y ki ta enkuadra na un di kê-s kuantu kondisons li: (1) algen ki sta môra na kê-l kaza sta graviménti duénti, di akordu ku sertifikadu médiku rejistadu ô konséliu lokal di saudi; (2) un mininu ku ménus di dózi més di idadi sta vivi na kel familia y é staba la antis di suspênsion di sirvisu; (3) di 15 di Nuvénbru ti 15 di Marsu é nisisariu pa pôdi akési kaza; ô (4) tudu kaza ki ten adultu di kaza ku 65 anu di idadi ô más, ô tanbé si ta môra la un menor di idadi. 220 CMR 25.03. Para alen di kê-l la, undi ki tudu algen ki ta môra na kaza ten 65 anu ô más, enpréza ka pôdi suspéndi sirvisu sen aprovason pur skritu di Dipartamentu. 220 CMR 25.05(3). Ka ten nun proteson kóntra kórtis di sirvisu pa algen ku difisênsia ó pa ténpu di veron.

Dia 10 di Marsu di 2020, di akordu ku St. 1950, c. 639 y G.L. c. 17, § 2A, Governor Baker diklara stadu di Imirjénsia na Massachusetts rilasionadu ku pandêmia di COVID-19 (“Stadu di Imirjénsia”). Diklarason di Imirjénsia di Governador. Dipos, dia 24 di Marsu di 2020, Governador Baker da Prizidénti di Dipartamentu autoridadi, baziadu na têrmus G.L. c. 25, § 4B pa tôma mididas nisisariu pa pôdi garanti suguransa y ben-star di pupulason atraves di ri-stabilisiméntu prioritariu ô disponibilidad di permanenti di sirvisus di utilidadi públiku di gas, iletridad di y agu. Na mêsmu dia, Prizidénti manda un Dispaxu ki ta proibi enprézas di distribuison di gas, iletridad di y agu di kórta sirvisus di utilidadi públiku, a kualker klênti pamôdi falta di pagamentu di faturas ti ki Stadu di Imirjénsia pasa ô ti ki Dipartamentu da más informason (“Moratória di Inseraméntu”). Primêru Grupu di Mididas di Prizidénti di akordu ku

G.L. c. 25, § 4B (24 di Marsu di 2020). Moratória di Inseraméntu fika en vigor ti dia 30 di Junhu 2021.

Anunsiu di Inkéritu sôbri Kriason di Pulítikas y Prátikas pa Enprézas di Iletrisidadi y Gas pa Asisténsia pa Klêntis y Káلكulu di Tarifas Rilasionadu ku Stadu di Imirjénsia di Pandêmia di Koronavirus (“COVID-19”), D.P.U. 20-58-E, na 4 (2021).

D. Planu di Pagamentu en Pursentajen di Rendiméntu (PIPPs)

Para alen di uza mididas en vigor na Massachusetts, un munti ôtus stadu tanbé oferési planu di pagamentu en pursentajen di rendiméntu (“PIPPs”), ki ta limita kustu di inêrjia kômu un pursentajen di rendiméntu di familia.¹⁴ Sima taxas di diskóntu, PIPPs tanbé pôdi diminui kustu di inêrjia pa klêntis di baxu rendiméntu y diminui gastus di inêrjia di manêra dirétu. Mas, diferenti di taxas di diskóntu, PIPP ta liga nivel di asisténsia finanséru na rendiméntu di klênti, u ki ta rizulta na un ajuda más ben direcionadu. Úniku pontu negativu é ki PIPPs pôdi tra klêntis insentivu pa pópa inêrjia, apezar di ki kê-l li pôdi ser minimizadu atraves di izijénsia di inskrison na programa di efisénsia inerjétiku, insentivu a konservason, ô limiti di uzu pa riba di kê-l ki diskóntu podia ser tradu ô diminuidu.

¹⁴ Virginia ten PIPP ki ta difini nivel-altu di kustus inerjétiku na sâs pursêntu di rendiméntu di familia pa kê-s ki ta ten akesor ilétriku, y dés pursêntu pa familias ki ten akesor ilétriku; limiti di elijibilidadi é 150 pursêntu di FPL. Lei di Regulason di Sirvisus Públiku di Iletrisidadi di Virginia, Va. Code Ann. §§ 56-585.6, 56-576 (2023), <https://law.lis.virginia.gov/vacode/title56/chapter23/section56-585.6/>, <https://law.lis.virginia.gov/vacode/title56/chapter23/section56-576/>. Ôtus stadu ku PIPP tanbé ta inklui Ohio, Colorado, Illinois, Nevada, Pennsylvania, Connecticut, California, New Jersey, y Maine. Sagarika Subramanian y Mark Kresowik, Konséliu Amerikanu pa un Ekonomia Inerjétikamenti Efisénti, Taxas di iletridadi inovador pôdi promóvi Igualdadi y Iletifikason (14 di Seténbru di 2023), <https://www.aceee.org/blog-post/2023/09/innovative-electricity-rates-can-advance-equity-and-electrification>.

IV. PIDIDU DI OBSERVASON

A. Intruduson

Dipartamentu ta konvida tudu algen interesadu na partisipa na es prusésu pa da se-s kontribuison sôbri manêra ki Dipartamentu pôdi riduzi kustu ku inêrjia y trata di prublemas rilasionadu ku asesibilidadi ekunómiku. Dipartamentu sta pidi kumentárius pur skritu sôbri kualker ô tudu purgunta ki sta di baxu ti **5 óra di tardi, di Sésta Fêra di dia 1 di Marsu di 2024**. Dipartamentu sta privé un interési grandi na prusésu y é ta gostaba di resébi kumentariu di tudu partis interesadu y klêntis. Pur issu, nu ta apela tudu algen interesadu a aprizenta se-s pozison di konsénsu y aprizenta kumentariu tudu djuntu, óra ki é pusivel.

Tudu kumentariu débi ser mandadu pa Dipartamentu na formatu iletróniku, anekisadu pa dpu.efiling@mass.gov y laurie.e.weisman@mass.gov. Na téstu di e-mail débi spesifika: (1) númeru di prusésu (D.P.U. 24-15); (2) nómi di algen ô entidadi ki sta manda pididu; y (3) y fla ma dukumêntu é un kumentariu pur skritu. Aprizentason iletróniku débi tanbé teni nómi, título y númeru di tilifôni di algen ki débi ser kontakitadu na kazu di dúvida sôbri aprizentason. Tududukumêntu aprizentadu na formatu iletróniku ta ben ser publikadu na pájina di Dipartamentu, atraves di konsulta na bazi di dadu ku númeru di prusésu na <https://eeaonline.eea.state.ma.us/DPU/Fileroom/>. Dipartamentu ta ben disidi sôbri prósimus pasus adikuadu pa es prusésu dipos ki nu finda nos análisi sôbri observason inisial.

Kualker algen ki sta interesadu na partisipa na es inkéritu sen aprizenta observason pôdi môstra si interési, informandu Sekretariu di Dipartamentu, Mark D. Marini, atraves di e-mail (mark.marini@mass.gov) y Konselêra Auditôra Laurie Ellen Weisman, atraves di e-mail (laurie.e.weisman@mass.gov), ti **5 óra di tardi, di Sésta Fêra di dia 1 di Marsu di 2024**. Pa ser

Inkluindu na lista di distribuison, pididu di Dipartamentu ten ki ten kê-s sigintis informason li:

(1) nómi di organizason riprizentadu, si ten; (2) inderésu; (3) númeru di tilifôni; y (4) inderésu di e-mail.

B. Kriason di Prugramas di Asesibilidadi Inerjétiku pa Rizidénsias

1. Entri PIPP y taxas di diskóntus pa erarkia (tratadu di forma koletivu pa “prugrama di asesibilidadi inerjétiku”), ta diskuti sôbri vantajens y disvantajens relativu di kada un.
2. Diskuti môdi ki Dipartamentu débi trata “dizispéru” ki klêntis ta vivi óra ki es teni un auméntu di rendiméntu sufisénti pa tras di prugrama di asisténsia, mas ki tanbé é ka sufisénti pa alivia-s di kustu inerjétiku, na un nivel konparadu ku auméntu antirior di rendiméntu.
3. Diskuti môdi ki débi ser difinidu elijibilidadi pa prugramas di asesibilidadi inerjétiku. Difinison di elijibilidadi é fêtu di akordu ku PIPP ô ku taxas di diskóntu pa erarkia? Elijibilidadi débi bazia na FPL ô na SMI? Ten algun ôtu opison?
4. Diskuti si klêntis ki sta atrazadu débi ser elijivel a partisipa na prugrama di asesibilidadi inerjétiku. Si sin, diskuti sôbri forma ki kê-l dívida débi ser tratadu.
5. Diskuti si prugrama di asesibilidadi inerjétiku débi aplika só a un kuantidadi másimu di konsumu mensal.
6. Diskuti si prugrama di asesibilidadi inerjétiku débi riflêti un flutuason tenpurariu ô diterminason anual di limiti di uzu di inêrjia. limits.
7. Diskuti sôbri uzu di dadus dimográfiku (sima: idadi, númeru di kriansas na familia, propetariu/rendéru) na kriason di prugrama di asesibilidadi inerjétiku
8. Diskuti si prugrama di asesibilidadi inerjétiku débi ser kriadu pa da un aliviu spisial a pupulason di justisa anbêntal (“EJ”). Si sin, môdi ki prugrama pôdi ser dizenhadu pa da es aliviu?
9. Limiti másimu di pursentajen di rendiméntu pagadu pa familia di akordu ku PIPP débi ser difinidu a ménus di sâs pursêntu pa kada klênti ki sta sufri un kustu inapropiadu infrastrutura inerjétiku na si zona?
10. En rilason a PIPP, diskuti môdi ki limiti pursentual di kustu di inêrjia débi ser difinidu.

11. En rilason a PIPP, diskuti môdi ki Dipartamentu pôdi limita kustu inerjétiku total di faturas di iletridadadi y gas pa klêntis sirbidu pa dós enprézas di distribuison diferenti, un pa gas y pa iletridadadi.
12. Diskuti môdi ki falta di lukru rilasionadu ku prugramas di asesibilidadi inerjétiku débi ser rakuperadu di ôtus klêntis. Debi ser dadu so pa kontruibuntis rizidênsial di enpréza di sirvisus públiku ô pa tudu tipu di kontruibuntis? Debi ser un fator di rakuperason a nivel di stadu (sima, distribuison pa tudu sirvisus di gas y iletridadadi)? Ten algun ôtu opison?
13. Diskuti si prugrama di asesibilidadi inerjétiku débi fôka klêntis ku akesimêntu ô kê-s sen akesimêntu.
14. En rilason a taxa di diskóntu pa erarkia, diskuti môdi ki débi ser difinidu diferentis nivel di diskóntu. Taxas di diskóntu y nivel di rendimêntu débi ser rivistu di ves enkuantu? Si sin, ku ki frikuênsia?
15. Diskuti sôbri papel prugrama di efisênsia inerjétiku, reduson di konsumu, di invistimentu na prugramas di inpréstimu rizidênsial pa instalason fotovoltaiku y bateria y prugramas idukativus direzionadu pa abordajen di asesibilidadi inerjétiku.

C. Ôtus Mididas di Asesibilidadi Inerjétiku

1. En rilason a pusivel mudansa na AMPs, ta diskutidu:
 - a. Nivel di perdon di dívida ki débi ser dadu y rapides ki klêntis débi ser obligadus a paga se-s dívida;
 - b. Si limiti di elijibilidadi di rendimêntu débi ser mêsmu ki pa prugramas di asesibilidadi inerjétiku ô, si non, môdi ki débi ser difinidu.
 - c. Môdi ki kustu rilasionadu ku AMPs débi ser rakuperadu di ôtus klêntis;
 - d. Kuzé ki ta kontisi si klênti ka fazi un pagamentu; y
 - e. Si prugramas débi ser oferesidu a klêntis ki fazêdu kórti.
2. En rilason a proteson atual kóntra kórti di ligason y pusivel Alterason a ser diskutidu:
 - a. Efikasía di kórti di ligason kômu instrumêntu di reduson di pagamentus en atrazu;

- b. Rikizitus mínimu di notifikason y pagamentu en atrazu antis di kórti di ligason y mudansas rakumendadu;
- c. Pulítika y nivel atual rilasionadu ku taxa di kórti/re-ligason y si sirvisus públiku débi autorizadu a kôbra taxa di kórti/re-ligason a klêntis elijivel pa prugrama di asesibilidadi inerjétiku;
- d. Si Dipartamentu débi konsidera proteson kóntra kórti di ligason pa pisoas ku difisênsia;
- e. Môdi ki kustu rilasionadu ku proteson di kórti pôdi ser rakuperadu Atualmenti y môdi ki es kustu débi ser rakuperadu di ôtus klêntis; y
- f. Si Dipartamentu débi lêba en kóna moratórias di kórti pa falta di pagamentu duranti veron y, si sin, ka-l ki é piriudu más apropiadu.

D. Adiministrason di Prugrama

- 1. Diskuti dizafius y midjôris prátikas pa verifikason di rendiméntu pa prugramas di asesibilidadi inerjétiku inkluidu uzu di inskrison automatiku ô auto-sertifikason. Di forma spesífiku, diskuti môdi ki ta kontrôla rendiméntu pa riba di 200 pursêntu di FPL ô 60 pursêntu di SMI.
- 2. Diskuti midjôris prátikas pa aumenta inskrison na prugramas di asesibilidadi inerjétiku, sima uzu alargadu di dadus di intra-strutura di midison, publisidadi y divulgason, y rejistus di elijibilidadi aumentadu.

E. Prugramas Pikinôti di Asesibilidadi Inerjétiku Kumersial y Industrial

- 1. Ten algun métudu drétu pa trata di prublema di kustu inerjétiku di pikénus klêntis kumersial y industrial (“C&I”) inkluidu, di manêra partikular, kê-s ki é organizason sen fin lukrativu? Si sin, ka-l ki é métudu?
- 2. Môdi ki Dipartamentu débi difini pikénus klêntis C&I têndu en kóna objetivu di prugrama di asesibilidadi inerjétiku?

F. Purguntas Jeral

- 1. Pa pisoas en partikular, diskuti kuzé ki é kustu inerjétiku pa bô y ki disizon ki bu ta tôma sôbri môdi ki bu ta paga bu-s kóntas di inêrjia y muda bu konsumu di inêrjia, têndu en kóna tentativa di dixi bu faturas.

2. Fazi kualker observason ô da más sujêston sôbri métodus y mididas ki Dipartamentu podia uzaba pa trata di asésu a inêrjia.

G. Purguntas Ditaliadu pa Enprézas di Distribuison

1. **[Redi Nasional (Gas y Ilettrisidadi) y Eversource (só di iletrisidadi)]**
En rilason a limiti di rendimêntu pa elijibilidadi di kê-s sigintis tarifas di baxu rendimêntu, pur favor diskuti kualker preukupason ki enprézas ta tinha rilasionadu ku partisipason y ofêrta di prugramas di baxu rendimêntu si es dadu autorizason pa muda sê-s limiti di rendimêntu baxu di 200 pursêntu a nivel di pobréza federal pa 60 pursêntu di rendimêntu médiu na stadu:
 - a. Rilativamênti a Kláuzulas di Disponibilidadi di Enpréza di Gas di Boston:
 - R-2 Taxa di Asisténsia Rizidênsial sen Akessimêntu M.D.P.U. Númeru 64.2
 - R-4B Taxa di Asisténsia Rizidênsial ku Akessimêntu, divizon di Boston, M.D.P.U. Númeru 67.3
 - R-4C Taxa di Asisténsia Rizidênsial ku Akessimêntu, divizon di Boston, M.D.P.U. Númeru 68.2
 - b. Rilativamênti a Kláuzulas di Disponibilidadi di Redi Nasional di iletrisidadi:
 - Enpréza Ilétriku Nantucket R-2 Rizidénsias di Baxu Rendimêntu, M.D.P.U. Númeru. 653
 - Enpréza Ilétriku di Massachusetts R-2 Rizidénsias di Baxu Rendimêntu, M.D.P.U. Númeru 1487
 - c. En Rilason a Dispozison Spisial di Enpréza Ilétriku NSTAR:
 - Taxa di Asisténsia Rizidênsial R-2, M.D.P.U. Númeru 8E
 - Asisténsia na Akessimêntu di Spasus Rizidênsial, M.D.P.U. Númeru 10E
2. **[Só Enprézas di Gas]** Pa kada enpréza, tanbé pa tudu enprézas di gas djuntadu, pur favor da dadus di kustu ku inêrjia, pa unidadi jiográfiku na formatu Microsoft Excel, ku tudu formas y ligasons intákitu (material na PDF débi aprizentadu na formatu ki ta pa fazi peskiza), sima kê-s ki dadu pa EDCs y sima sta organizadu na D.P.U. 22-22, at 472-473:

Fazi un análisis ditaliadu di indisi di kustu ekunómiku di familias, atraves di análisis di kóntas di kontribuintis rizidênsial di sirvisus públiku di inêrjia ilétriku sima pursentajen di rendiméntu di familias pa konséliu y... da rizultadus rizumidu di un análisis ditaliadu di indisi di kustu di familias pa, pélu ménus pa unidadi jiográfiku... Para alen di kê-l la, ... fazi un análisis di rendiméntu di familia atraves di rendiméntu médiu familiar a nivel stadual y 50 pursêntu, 100 pursêntu y 200 pursêntu di Orentason Federal sôbri Pobréza. Es nivel ditaliadu di dadus é pa un imajen más klaru di arias spesífiku di tiritóriu di sirvisus di Enpréza ku kustus inerjétiku pa riba di média.

Na es mêsmu folia di kálkulu, tanbé sta inkluidu u siginti, y ta garanti ki faturas médiu é kalkuladu di manêra drétu kuerénti na tudu enprézas:

- un kontajen di familias rizidênsial pa klasi di taxa dêntu di kada unidadi jiográfiku;
- uzu médiu anual pa kada klasi di kustu rizidênsial na kada unidadi jiográfiku.
- Para alen di fazi un “análisi di rendiméntu di familia atraves di rendiméntu médiu familiar a nivel stadual y 50 pursêntu, 100 pursêntu y 200 pursêntu di Orentason Federal sôbri Pobréza,” fazi un análisis pa familias ki ten kê-s sigintis intirvalu di rendiméntu médiu a nivel stadual:
 - 0-60 pursêntu
 - 61-80 pursêntu
 - 81-100 pursêntu
 - 101-120 pursêntu; y
- dadus ki sta fokadu na mapa di populason sôbri Justisa Anbêntal 2020 (“EJ”), oferesidu atraves di MassGIS, sta disponivel na <https://www.mass.gov/info-details/massgis-data-2020-environmental-justice-populations>.

Dadus débi sta inkluidu na un linha úniku pa kada unidadi jiográfiku y un kuluna úniku pa kada parámitru (sirvisu públiku, rendiméntu médiu, númeru di klêntis R-1, kritérius di populason EJ, ets), di un manêra ki ta pirmiti aplikason di análisis kuantitativu na Microsoft Excel (sima produson di tabélas dinámiku).

3. **[Só pa enprézas ilétriku]** Pa kada enpréza sipara y pa tudu enprézas djuntadu, dadus rilasionadu a kustu ku inêrjia, sima aprizentason di Diklarason Anual a Dipartamentu di enprézas rifirénti a anu 2022, pa unidadi jiográfiku (non pa zona), na formatu Microsoft Excel ki ta da pa peskiza, ku tudu fórmulas y ligason intákitu (material li sta en PDF débi ser aprizentadu na formatu ki ta da pa fazi peskiza).

Na es mêsmu folia di kálkulu, tanbé sta inkluidu u siginti, y ta garanti ki faturas médiu é kalkuladu di manêra drêtu kuerénti na tudu enprézas:

- un kontajen di familias rizidênsial pa klasi di taxa dêntu di kada unidadi jiográfiku;
- uzu médiu anual pa kada klasi di kustu rizidênsial na kada unidadi jiográfiku;
- Para alen di fazi un “análisi di rendiméntu di familia atraves di rendiméntu médiu familiar a nivel stadual y 50 pursêntu, 100 pursêntu y 200 pursêntu di Orentason Federal sôbri Pobréza,” fazi un análisis pa familias ki ten kê-s sigintis intirvalu di rendiméntu médiu a nivel stadual:
 - 0-60 pursêntu
 - 61-80 pursêntu
 - 81-100 pursêntu
 - 101-120 pursêntu; y
- dados ki ta fokadu na mapa di populason sôbri Justisa Anbêntal 2020 (“EJ”), oferesidu atraves di MassGIS, sta disponivel na <https://www.mass.gov/info-details/massgis-data-2020-environmental-justice-populations>

Dados débi sta inkluidu na un linha úniku pa kada unidadi jiográfiku y un kuluna úniku pa kada parámitru (sirvisu públiku, rendiméntu médiu, númeru di klêntis R-1, kritérius di populason EJ, ets), di un manêra ki ta pirmiti aplikason di análisis kuantitativu na Microsoft Excel (sima produson di tabélas dinámiku).

4. Pur favor, da un konjuntu di dados a nivel di stadu ki ta kunbina ku dados rilasionadu ku gastus ku inêrjia, di akordu ku u ki foi pididu na pontu númeru 2 y 3 ki sta di riba.

V. ORDEN

Pur konsiginti, Dipartamentu

VÓTUS: Pa abri un inkéritu sôbri gastu ku inêrjia, ku fóku spisial na asésu a inêrjia pa kontribuintis rizidênsial; y kê-l li é

DISIDIDU: Ki Sekretariu di Dipartamentu ta ben manda un kôpia di es Dispaxu pa kada enpréza di distribuison di iletrisidadi y gas sôbri jurisdison di Dipartamentu na têrmus di G.L. c. 164; sidadis y zónas di Kumunidadi; Kumison Konjuntu di Telekomunikason, Sirvisus

Públiku y Inêrjia; y Prukurador Jeral di Kumunidadi; y kê-l li é

INDA DISIDIDU: Ki Sekretariu di Dipartamentu ta ben manda un kôpia di es Dispaxu pa tudu algen ki sta na lista di distribuison di Dipartamentu.

Pa Dispaxu di Dipartamentu,

Asinatura

James M. Van Nostrand, Prizidénti

Asinatura

Cecile M. Fraser, Kumisária

Asinatura

Staci Rubin, Kumisária